

Nik Aziz keluar HUSM, masih berehat di rumah  
Malaysiakini.com  
Disember 15, 2010

Menteri Besar Kelantan, Datuk Nik Abdul Aziz Nik Mat, yang dimasukkan ke Hospital Universiti Sains Malaysia (HUSM) Kubang Kerian, di sini sejak Khamis lalu, telah dibenarkan pulang ke rumahnya semalam.

Setiausaha Akhbarinya, Mohd Fadzli Shaari berkata, Mursyidul Am Pas itu bagaimanapun masih memerlukan rehat di rumah.

"Tok Guru (Nik Aziz) keluar HUSM kira-kira jam 10 pagi semalam, selepas dimasukkan di Wad Eksekutif hospital itu, Khamis lepas," katanya, hari ini.

Nik Aziz, 79, dimasukkan ke hospital itu kerana menghidap sakit pinggang akibat terjatuh dari kuda lebih 70 tahun lalu.

Menurut Mohd Fadzli, Nik Abdul Aziz diminta menjalani rawatan susulan Sabtu ini oleh doktor yang merawatnya di hospital yang sama.

- Bernama

Copyright © 1999-2007 Mkini Dotcom Sdn. Bhd.  
Source : <http://www.malaysiakini.com/news/150868>